

Вход 09.12.2023

Тропарь глас 2:

Апóстоли, мýченицы и прорóцы,/ святítелие, преподóбнии и праведнии,/ дóбре пóдвиг совершивши и véру соблю́дшии,/ дерзнове́ние имúще ко Спа́су,/ о нас Тогó, я́ко Блага, моли́те,// спасти́ся, мо́лимся, душáм нáшим.

Тропарь глас 1:

Терпéния столп был еси́,/ ревновáвый праотцем, преподóбне,/ Ио́ву во страстéх, Ио́сифу во искушéниях,/ и Безплóтных жителъству сый в телеси́,/ Али́пие óтче наш,// моли́ Христа́ Бóга спасти́ся душáм нáшим.

Кондак, глас 8:

Я́ко добродéтелей винú и пóстников удобрéние,/ Цéрковь сла́вит тя днесь и воспева́ет, Али́пие:/ моли́твами твои́ми пода́ждь/ чтúщим любóвию дóблести твоя́ и борéния/ лю́тых прегрешéний избавлéние,// я́ко тезоименítый.

Слава

Кондак, глас 8:

Со святы́ми упоко́й,/ Христé,/ дýши раб Твои́х,/ иде́же несть болéзнь, ни печáль,/ ни воздыхáние,// но жизнь безконéчная.

и ныне

Кондак, глас 8:

Я́ко начáтки естества́, Насадítелю твáри,/ вселéнная принóсит Ти, Гóсподи, богонóсныя мýченики;/ тех моли́твами в ми́ре глубóце// Цéрковь Твою́, жителъство Твоé Богородицею соблюди́, Многоми́лостиве.

Прокимен, глас 8: Веселитесь о Господе, / и радуйтесь, праведнии.

Причастен: Радуйтесь, праведнии, о Господе, правым подобает похвала.